

شيلة اصدح

اصدح على لحن القصيد
الليلة الفرحة تزيد

عريسنا فالك سعيد
نجم الهنا غنى لها

زياد يافخر الرجال
اللي يشيلون الثقال

طاريك لا جاء له مجال
والنعم كل قالها

كريم لامنه عطى
ما يعرف دروب الخطا

روّض فعوله وامتطى
بالطيب بين ابطالها

ابوك شيخ المرجلة
رجاء بفعله اعتلى

مافيه شيخ يجعله
كل المكارم نالها

و عضيدك اللي نعرفه
وقت الشدايد موقفه

فؤاد محد يخلفه
نفسه قليل امثالها

وعلى يمينك بالعتاد
اخوك والفخر استزاد

نسل المكارم يا عماد
وان قال كلمة طالها

المدح فيكم طاب طاب
والعز يكسيكم ثياب

سلام للي مايهاب
في ليلته يزهى لها

والمدح يعجز وش يقول
بنت الكرم بنت الاصول

مريم فرحها بك بطول
عساك نخر ليالها